

**UPRAVA DRUŠTVA**

Broj: U.D.-01.-04.-20668/24  
Sarajevo, 19.12.2024.godine

Na osnovu člana 70. Zakona o javnim nabavkama ("Službeni glasnik BiH" broj: 39/14, 59/22, 50/24), člana 45. Statuta, člana 18. stav (3) Pravilnika o javnim nabavkama „JP BH Pošta“ d.o.o. Sarajevo i preporuke Komisije za nabavku radova „Izrada novog šalterskog pulta u poštama 72108-Travnička i 72104 Crkvice“, broj: 10.4.6.-11-9-15364-19/24-SL, od 05.12.2024.godine, Uprava Društva na 62.sjednici održanoj dana, 19.12.2024.godine, d o n o s i:

**O D L U K U**  
**O IZBORU NAJPOVOLJNIJEG PONUĐAČA**

**I**

Ovom Odlukom vrši se izbor najpovoljnijeg ponuđača **COSPEX d.o.o. Zenica** u postupku javne nabavke radova „Izrada novog šalterskog pulta u poštama 72108- Travnička i 72104 Crkvice“, sa ukupnom vrijednošću ugovora **u iznosu od 17.095,00 KM** bez uračunatog PDV-a.

**II**

Izabrani ponuđač je dužan u roku od 5 (pet) dana od dana prijema ove Odluke o izboru najpovoljnijeg ponuđača dostaviti dokaze predviđene članom 45. Zakona o javnim nabavkama, u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu Odluke o izboru, u radnom vremenu ugovornog organa (do 16,00 sati), te za ugovorni organ nije relevantno na koji način su poslani.

Dokazi koji se zahtijevaju moraju biti originali ili ovjerene kopije.

**III**

Nakon pravosnažnosti ove Odluke, Ugovorni organ će pozvati izabranog ponuđača iz tačke I ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

**O b r a z l o ž e n j e**

Na osnovu Odluke o pokretanju postupka javne nabavke: broj: U.D.01.04-16556/24 od 10.10.2024. godine sa procijenjenom vrijednošću nabavke u iznosu do 17.095,00 KM bez PDV-a, i Rješenja Generalnog direktora o imenovanju Komisije za nabavku broj: 01-11-9-15364-8/24-SL od 18.10.2024. godine, proveden je postupak javne nabavke radova „Izrada novog šalterskog pulta u poštama 72108- Travnička i 72104 Crkvice“, putem otvorenog postupka javne nabavke, objavljivanjem Obavještenja o nabavci, broj: 24902-1-3-33-3-50/24, dana, 12.11.2024. godine, na Portalu javnih nabavki, sa objavom tenderske dokumentacije.

Rok za dostavu ponuda je bio 03.12.2024. godine do 13,00 sati.

Javno otvaranje ponuda u postupku predmetne nabavke je održano dana, 03.12.2024. godine u 13,30 sati, u prostorijama Centra pošta Zenica, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja. Otvaranju ponuda nisu prisustvovali predstavnici ponuđača.

Komisija je prije samog otvaranja ponuda konstatovala slijedeće:

- da je sa portala javnih nabavki ukupno je preuzeto 7 tenderskih dokumentacija;
- da je do roka za dostavljanje ponuda pristigla ukupno 1 (jedna) ponuda, i to od ponuđača: **COSPEX d.o.o. Zenica**;



## GENERALNA DIREKCIJA

- da su sve kovertе neoštećene, uredno zapakovane i zapečaćene;
- da su na kovertе sa ponudama stavljeni redni brojevi prema kojima se utvrđuje redosljed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust, ne praveći uvid u sadržaj i validnost dostavljene dokumentacije.

Nakon izvršenog otvaranja jedine pristigle ponude, Komisija je pristupila analizi i utvrđivanju validnosti iste, obzirom na zahtjeve ugovornog organa iskazane u tenderskoj dokumentaciji, odnosno vrijednovanju ponuda, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, broj: U.D-01.04-700/23 od 11.01.2023. godine.

Analizirajući otvorenu ponudu za nabavku radova „Izrada novog šalterskog pulta u poštama 72108-Travnička i 72104 Crkvice“, Komisija je konstatovala slijedeće:

1. Da je ponuda ponuđača **COSPEX d.o.o. Zenica** sa ukupnom vrijednošću ponude u iznosu od **17.095,00 KM** bez uračunatog PDV-a, u potpunosti ispunjava sve formalno-pravne, tehničke i ekonomske uslove, odnosno zahtjeve ugovornog organa definisane u tenderskoj dokumentaciji, shodno čemu je ocijenjena **prihvatljivom** za ugovorni organ i može biti predmet vrednovanja.

Cijeneći činjenično stanje, Komisija je konstatovala da je za javnu nabavku radova „Izrada novog šalterskog pulta u poštama 72108- Travnička i 72104 Crkvice“, pristigla ukupno 1 (jedna) prihvatljiva ponude za Ugovorni organ. Shodno Pravilniku o uslovima i načinu korištenja E-aukcije ("Službeni glasnik BiH" broj: 80/23), tačnije članu 4. stav 2. Pravilnika, Ugovorni organ neće zakazivati E-aukciju obzirom na to da je pristigla ukupno jedna prihvatljiva ponuda, već će nabavku okončati u skladu sa članom 69. Zakona.

Cijeneći naprijed navedeno, shodno kriteriju „najniža cijena“, Komisija je jednoglasno dala preporuku Upravi Društva da u skladu sa članom 70. stav 1 ZJN (Službeni glasnik BiH broj:39/14, 59/22,50/24) donese: Odluku o izboru najpovoljnijeg ponuđača **COSPEX d.o.o. Zenica** u postupku javne nabavke radova „Izrada novog šalterskog pulta u poštama 72108- Travnička i 72104 Crkvice“, kao jedinom ponuđaču koji je ponudio najnižu cijenu prihvatljive ponude, te dodjeli ugovor sa ukupnom vrijednošću **u iznosu od 17.095,00 KM** bez uračunatog PDV-a.

Imajući u vidu sve navedeno donesena je Odluka kao u dispozitivu.

## PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu URŽ-u putem ugovornog organa u roku od 10 (deset) dana po prijemu Odluke o izboru shodno članu 99. i članu 101. Zakona o javnim nabavkama i to radnim danima u radno vrijeme

## Dostaviti:

- Centar pošta Zenica (Nosilac posla)
- Sektoru za EKF
- Marketingu (za objavu)
- Odjeljenju za javne nabavke
- Ponuđačima putem Komisije
- a/a

  
GENERALNI DIREKTOR  
  
Adis Senić, dipl.ing.saob.

